

養鷄法說

養鷄法說



MG
S831.4
20

1160

養

雞

淺

說



3 1760 6213 5

養雞淺說

劉德元

叙言

養雞利益甚大飼養之手續亦極單簡誠農家最良之副業也本場自民國五年選購數種加意飼養以所產之卵用天然及人工孵化等法孵化多隻姑作試養以爲將來改良雞種之準備茲將飼養管理各法簡述於左

一種類

九斤雞 羽毛爲淺黃色雄者重約五六斤雌者重約四斤每年每隻可產卵百個每個平均重量一兩六錢

菊花雞 羽毛逆生形如菊花雄者重三斤半雌者重三斤每年每隻可產卵百三十個每個平均重量一兩二錢

廣東雞 毛色不一體甚矮小雄者重二斤雌者重一斤六兩產卵甚少每個重量一兩一錢

日本雞 羽毛白色緊密雄者重四斤雌者重三斤六兩每年每隻可產卵百五十個每

個平均重量一兩六錢

二飼育之注意

雛雞孵化後二十四時間內不給與飼料俟至翌日給以滋養富而易消化之飼料

雛雞給食次數宜多每日以四次至六次爲宜

雛雞宜飼以玉蜀黍然必煮熟磨碎晒乾後飼之

飼料宜乾燥潔淨不可與以污穢多汁之飼料

飼料除青菜穀物及動物質外尤宜混有石灰質以助骨骼之生成

雛雞宜與以新鮮清潔之飲料不可多飲飲水過多易起下痢症

成雞舍飼時每日應給食三次早晨宜飼以柔軟飼料正午宜飼以小粒穀類晚間宜飼

以大粒穀類如放飼時每晚間給食一次爲宜

飼料宜時常變更以增加其食慾

飼料中宜混以砂粒及貝殼砂粒以助消化貝殼以形成卵殼在產卵期尤不可缺

舍內設有水槽以備飲水宜置於日光不射之處飲水務要潔淨每日必換一次以免羅

下痢症

食槽或浴槽中宜撒以木炭末雞可隨意啄食不特於產卵大有効力且可免下痢之症每年陽歷九月間爲雞換羽之期宜給富有滋養之飼料

三管理之注意

雞舍以清潔爲要苟有污穢宜掃除之

夜間宜嚴閉舍門以防鼯鼠竄入雞雞宜防犬貓及他敵害之擾

雞舍內宜備有砂浴場俾得隨時浴砂運動場內架以涼棚遮蔽日光或栽植各種樹木亦最有益

冬季寒冷之時就巢宜早出舍宜遲應給以良好之飼料

雨雪大風之日可於舍內飼之不宜放出

雄雞一隻可配雌雞六隻至多不得過十二隻四年之老雞不可爲產卵用

四對於病虫害之處理

雞罹感冒症則眼球喪明雙目合閉停止運動此時宜用醋及食鹽之溶液洗其頭部置

於溫暖之處即愈

雞有頭腫病又名魯布病頭及眼發炎腫脹鼻孔爲分泌物充塞呼吸困難以手張其口部見上顎有黃色如乳酪狀之物此時宜用羽毛及尖刀除去此物再用布片蘸醋及食鹽之溶液洗刷口部及鼻孔並洗滌面部照此法療治每日二次三四日後即可痊愈此際宜飼以易消化之飼料


雞有虱虫寄生之害宜於浴槽中撒以除虫菊粉或硫磺華使雞隨意浴於槽中可除虱虫之害

五 孵化法

天然孵化法 用伏巢之母雞自然孵化之法也因母雞之大小不同所孵化之卵數亦有差別約自十二個至十八個爲適

人工孵化法 利用孵卵器以孵化雞鵝之法也孵卵器之種類甚多本場所用者爲美國莫意尼斯式孵卵器每具每次可孵卵五十枚茲按圖說明於左

莫意尼式孵卵器



- (1) 湯罐
- (2) 罐口
- (3) 導管
- (4) 火燈
- (5) 煙突
- (6) 瓣蓋
- (7) 寒暖計
- (8) 整溫器

上圖由漏斗形之罐口注入熱湯經湯罐及導管而入內部之湯槽湯罐下部有火燈以暖罐內之水湯罐上部有煙突接於煙突上部有瓣蓋若孵卵器內溫度過高由整溫器之作用將瓣蓋吊於上方火燈之熱力得由煙突逸出湯之溫度因之下降器內置寒暖計以測溫度之高低不使過與不及也

孵卵器不論何時皆可使用但於寒冷時孵化之雛雞須養育於保姆器中所孵之卵在產出七日以內者為佳孵卵器內之溫度以華氏寒暖計百度至百零三度為適過高過低均所當忌每日必晾卵一次

約經十分鐘自解卵之日起至第七日及第十四日宜於燈光之下鑑別雞卵其不受精及死亡者均棄之如斯處理經二十一日內外即能出殼矣

中華民國七年九月出版

非賣品

直隸省農事試驗場刊印
(天津總車站東電話一六九六號)

教育圖書局印書處印刷
(天津河北公園內電話一六六八號)

43

721021

(2)

BC
S. 1. 1